

Na osnovu člana 40. Statuta Samostalnog sindikata državnih službenika i zaposlenika u institucijama Bosne i Hercegovine, Upravni odbor Samostalnog sindikata državnih službenika i zaposlenika u institucijama Bosne i Hercegovine, na sjednici održanoj u Sarajevu, dana 29.07. 2021. godine, donio je

ODLUKU

O FORMIRANJU SAVJETODAVNOG TIMA ZA SAVJETODAVNO-PRAVNU PODRŠKU ČLANOVIMA UPRAVNOG ODBORA SINDIKATA I ČLANOVIMA SINDIKATA

Član 1.

(Predmet Odluke)

Ovom odlukom formira se Savjetodavni tim za savjetodavno-pravnu podršku (u daljem tekstu: Savjetodavni tim) članovima Upravnog odbora Sindikata i članovima Samostalnog sindikata državnih službenika i zaposlenika u institucijama Bosne i Hercegovine (u daljem tekstu: Sindikat).

Član 2.

(Sastav Savjetodavnog tima)

- (1) Savjetodavni tim broji 6 članova.
- (2) Savjetodavni tim imenuje Upravni odbor Sindikata, na prijedlog člana/ova Upravnog odbora Sindikata, uz prezentaciju biografije predloženih kandidata za članove Savjetodavnog tima, kojom se dokazuje ispunjenost uslova u pogledu stručnosti kandidata za člana Savjetodavnog tima.
- (3) U Savjetodavni tim mogu se imenovati lica diplomirani pravnici ili diplomirani ekonomisti - VSS:
 - (a) iz reda članova Sindikata, sa relevantnim stručnim iskustvom ili koji obavljaju poslove koji se odnose na prava, dužnosti i odgovornosti iz radnog odnosa ili u vezi radnog odnosa zaposlenih u institucijama BiH, odnosno na poslovima obračuna plaća, naknada, poreza, doprinosa i ostalih zakonskih obaveza te materijalnih prava zaposlenih u institucijama BiH, najmanje 3 godine prije momenta imenovanja;
 - (b) iz reda priznatih stručnjaka u oblasti radno-pravnih odnosa, koji ne moraju biti članovi Sindikata ili zaposleni u institucijama BiH.
- (4) Upravni odbor Sindikata, prilikom kandidiranja lica za članove Savjetodavnog tima, će voditi računa da budu predlagana lica sa relevantnim stručnim iskustvom iz članstva Sindikata, kao i druga stručna lica van Sindikata po osnovu Ugovora o djelu ako se za to ukaže potreba i obezbjede potrebna finansijska sredstva u Budžetu Sindikata.

Član 3.
(Zadaci Savjetodavnog tima)

- (1) Savjetodavni tim pruža stručnu podršku članovima Upravnog odbora Sindikata i članovima Sindikata po upitima, koji se upućuju elektronskim putem na e-mail adresu savjetodavni.tim@sdsz.ba, u pogledu načina ostvarivanja i zaštite prava u institucijama BiH koja proizilaze ili su u vezi sa radnim odnosom.
- (2) Savjetodavni tim će u roku od najkasnije 30 dana od dana zaprimanja upita dostaviti odgovor podnosiocu.
- (3) Savjetodavni tim također prati sve propise koji su na snazi ili koji su u pripremi, a koji imaju ili mogu bitno uticati na ostvarivanje i zaštitu prava zaposlenih u institucijama Bosne i Hercegovine koja proizilaze ili su u vezi sa radnim odnosom, te o tome sačinjava preporuke za postupanje Upravnom odboru Sindikata.

Član 4.
(Način rada Savjetodavnog tima)

- (1) Način rada Savjetodavnog tima biće razrađen poslovníkom o radu.
- (2) Savjetodavni tim, a putem predsjednika Savjetodavnog tima o svom radu podnosi izvještaj o radu, na usvajanje Upravnom odboru Sindikata, svaka tri mjeseca, dok se na kraju kalendarske godine dostavlja objedinjeni godišnji izvještaj, kao i vanredne izvještaje po potrebi i na zahtjev Upravnog odbora Sindikata.

Član 5.
(Stručna, administrativna i tehnička podrška članovima Savjetodavnog tima)

- (1) Tehničko osoblje Sindikata pruža svu potrebnu administrativno-tehničku pomoć članovima Savjetodavnog tima.
- (2) Savjetodavni tim je ovlašten da se, kada god to smatra potrebnim, o svim pitanjima konsultuje sa ovlaštenim pravnim zastupnikom Sindikata.
- (3) Sindikat pruža svu potrebnu podršku članovima Savjetodavnog tima u pogledu osiguranja materijalno-tehničkih uslova za održavanje sjednica Savjetodavnog tima i vršenja konsultacija.
- (4) Savjetodavni tim koristi sve raspoložive forme pribavljanja potrebnih informacija s ciljem što uspješnijeg izvršavanja svojih zadataka.

Član 6.

(Finansiranje)

- (1) Svaki član Savjetodavnog tima ostvaruje mjesečnu naknadu za rad u iznosu od 80,00 KM.
- (2) Naknada članovima Savjetodavnog tima se isplaćuje svaka tri mjeseca.
- (3) Rad Savjetodavnog tima finansira se iz Budžeta Sindikata.


Član 7.

(Stupanje na snagu)

Ova odluka stupa na snagu danom donošenja i objavljuje se na službenoj internet stranici Sindikata.

Sarajevo, 29.07.2021.godine

Broj: 03-SD-60.1/21



PREDSJEDNIK UPRAVNOG ODBORA

A handwritten signature in blue ink is written over the signature line, appearing to read 'Amir Jambić'.